

PERBADANAN TABUNG PENDIDIKAN TINGGI NASIONAL (PTPTN)

SURAT PEKELILING PTPTN BILANGAN 6 TAHUN 2005

**KEPERLUAN UNTUK PELAJAR MENAMPAL
SETEM HASIL PADA DOKUMEN PERJANJIAN PINJAMAN PENDIDIKAN**

Surat Pekeliling ini bertujuan untuk memaklumkan mengenai perubahan kaedah pembayaran duti setem bagi semua dokumen perjanjian pinjaman pendidikan PTPTN.

2. Mulai tarikh kuatkuasa Surat Pekeliling ini, PTPTN tidak akan lagi membuat potongan pinjaman sebanyak RM20.00 untuk bayaran duti setem bagi perjanjian pinjaman pendidikan. Pelajar-pelajar dikehendaki menampal Setem Hasil bernilai RM10.00 setiap satu pada penjuru sebelah kanan atas di muka surat pertama bagi dua (2) salinan dokumen perjanjian pinjaman pendidikan yang diedarkan oleh PTPTN bersama-sama surat tawaran pinjaman. Melalui perubahan ini, urusan prosesan dokumen perjanjian dan penghantaran satu salinan untuk simpanan pelajar akan dapat dipercepatkan.

3. Tarikh kuatkuasa peraturan ini adalah mulai **1 November 2005**. Apa-apa kaedah pembayaran duti setem yang dimaklumkan melalui Pekeliling, Surat Pekeliling, brosur-brosur dan surat menyurat yang dikeluarkan oleh PTPTN sebelum ini adalah dibatalkan.

4. Kerjasama semua Institusi Pengajian Tinggi adalah dipohon untuk membuat hebahan yang bersesuaian kepada pelajar-pelajar yang akan memohon pinjaman pendidikan PTPTN.

Sekian, terima kasih.

"BERKHIDMAT UNTUK NEGARA"

Saya yang menurut perintah,



(DATO' OTHMAN BIN JUSOH)
Ketua Eksekutif
Perbadanan Tabung Pendidikan Tinggi Nasional

Tarikh: 28 Oktober 2005